

habet". observabam mane illorum servolos
 venientis aut abeuntis : rogitabam " heus puer,
 dic sodes, quis heri Chrysidem habuit ?" nam Andriae 85
 illi id erat nomen. *SO.* teneo. *SI.* Phaedrum aut Cliniam
 60 dicebant aut Niceratum ; † nam î tres tum simul †
 amabant. " eho quid Pamphilus ?" " quid ? symbolam
 dedit, cenavit." gaudebam. item alio die
 quaerebam : comperibam nil ad Pamphilum 90
 quicquam attinere. enîmvero spectatum satis
 65 putabam et magnum exemplum continentiae ;
 nam qui cum ingeniis conflictatur ei(u)s modi
 neque commovetur animus in ea re tamen,
 sciās posse habere iam ipsum sūae vitae modum. 95
 quom id mihi placebat tum uno ore omnes omnia
 70 bona dicere et laudare fortunas meas,
 qui gnatum haberem tali ingenio praeditum.
 quid verbis opus est ? hac fama impulsus Chremes
 ultro ad me venit, unicam gnatam suam 100
 cum dote summa filio uxorem ut daret.
 75 placuit : despondi. hic nuptiis dictust dies.
SO. quid obstat quor non verae fiant ? *SI.* audies.
 ferme in diebu' paucis quibus haec acta sunt
 Chrysis vicina haec moritur. *SO.* o factum bene ! 105
 besti ; eî metui a Chryside. *SI.* ibi tum filius
 80 cum illis qui amabant Chrysidem una aderat frequens ;
 curabat una funu' ; tristis interim,
 nonnumquam conlacrumabat. placuit tum id mihi.
 sic cogitabam " hic parvae consuetudinis 110
 causa huiu' mortem tam fert familiariter :